

惡核良方釋疑



北書板寄存廣
東廣州府城西
關太平門外十
甫宏經閣書
坊任人到印不
取板租或函知
香港上環大笪
地口街禮和祥
酒房或函知省
城花地西約海
傍勞禮記酒房

光緒二十九年歲在癸卯孟冬刊

此方傳自高州 救活已經千萬
平日留心細看 臨事方保無患
見症放胆服藥 切忌溫補燥散

惡核良方釋疑

標蛇
同治

均可商議借板
印書也。
南海勞禮安堂
誌

四句要訣

居要通風
卧勿黏地
食戒熱滯
藥取急瀉



序

死生莫不有命。原無遺憾。然命究不可知。斯人事不可不盡。肇城數年來患鼠疫。遭劫頗慘。輕者幸藥而愈。稍重者十每難痊。一二人心皇皇。羣醫束手。當時雖有高州派來鼠疫彙編一書。唯苦於書少。地廣不能週知。卽知之。未遽深信。信之而先後緩急。又未能如法善用。是以獲效者寥寥。我邑孝廉黎詠陔先生。憫此浩劫。曾將彙編悉心研究。篤信無疑。凡親好患是症者。踵門求商。悉本原方。如法調治。應手而效。閱歷既多。便有把握。因見原書繁重。忽迫之際。苦難卒讀。乃撮其症要。並施治諸法。

分列層次。兼附醫案。使人易曉易從。其用心良苦矣。曾將是編授余參校。余愧不知醫。然道理人人可明。且經驗既多。尤爲可據。力勸付梓。俾爲鼠疫津梁。編中計有萬言。非數十金不辦。擬在附城景福園內餘款提銀五拾圓以爲刻費。乃商之園紳王君仲銘、胡君賓琴暨各同人。慨然許諾。誠善舉也。余憶高州初患鼠疫。幾將十年。後得此方。不久寢息。天地好生。其有轉機乎。是爲序。

光緒二十七年辛丑孟夏高要黃興鶚序。

鼠疫方釋疑

鼠疫爲近年怪症。高州石城羅君芝園。光緒十七年。始從醫林。改錯得解毒活血湯一方。移治此症。救活多人。著爲鼠疫彙編。遠近傳送。廿五年。書傳至肇。板經五刊矣。用者疑信參半。稍知醫者。不以爲然。深於醫者。尤不以爲然。予初用以治次女。服兩劑。不效。另延醫。用芩連知柏苦寒藥。亦不效。復用二劑。誤於遲。誤於輕。遂至不救。繼至產後甫出月。與長男同時病。予懲前誤。急進此方。各十數劑。合計桃仁石膏每用至二斤。犀羚花用至三兩。生地元參麥冬三四斤。粥飯戒半月之久。愈後殊不見虛。



弱廿六年除夕前小媳病。每日五劑未愈。兩日後始見核。元旦急用三劑合煎。重加石膏犀羚花。應手而愈。豈非怪症乎。雖然。症非怪也。常人狃於聞見。用藥不中病。有良方而不肯用。羣相驚怪耳。予年來用此方治輕症四五劑而愈。稍重症十數劑愈。重症二三十劑乃愈。均只用單劑。或輕加承氣白虎湯。迨廿七年用此方。非雙劑三劑合煎。非日夜追服。亦難見效。間有失之遲誤於藥。瀕於危。無可挽救者。十中一二。予是以益信原書之不謬也。惟見近人初起。誤於醫者十之七。誤於時者十之三。誤於輕劑者十之五。誤於半途改轍者十之九。若不誤時不誤藥。

輕症早服者十全。重症而能放膽連服獲愈者。十僅一二而已。噫。有病之家。舉室皇皇。聽命於醫。醫者乃猜爲感冒。謬作傷寒。涼熱雜投。溫補妄進。否則輕劑淺試。養病成深。無誤人之心。而有誤人之識。曾見有用仙方活命。羌獨芎夏。輕症變爲重者。用麻黃桂枝。生芪乳香。稍重變爲危者。用附桂參朮。吳萸干薑。立刻斃命者。見之惻然。聞之悚然。一誤再誤。至於屢誤。而牢不肯信。猶復執兩手之脈。以較量強弱虛實。豈非天哉。醫道深微。不容鹵莽。予更學問粗淺。豈敢謂人皆誤而已。獨不誤。惟知誤急改。經驗者多。不忍人之相率坐誤耳。曩見原書詞語繁重。臨事

忽遽無暇詳閱。曾於己亥年撮要刊述。以便省覽。然苟未能將此症了然於心。則往復遲疑。仍不敢始終篤信。因與梁君蔭梁君眉川、闕君仰之、黃君頌韶、梁君俊生、鍾君植生、余君煮謀輯是刻。以拯災危於萬一。或者天牖其衷。俾細讀原書。庶幾救此一方民乎。明知刼運所關。但人盡人道。有一分祇救一分而已。天矜於民。民之所欲。天必從之。彌縫其闕。而匡救其災。是所望於仁人君子。光緒辛丑高要黎佩蘭詠陔謹識。

重刻良方序略

自芝園氏鼠疫彙編行於世。而治疫有法。自詠陔氏良方
釋疑行於世。而信守鼠疫彙編以治疫者尤有法。良方釋疑者
鼠疫彙編之羽翼。鼠疫彙編之慈航寶筏。可以擴張芝園氏
之苦心發明。芝園氏之微怕。讀而易曉。曉而易用。用而易効。
濟世壽世。兩得之焉。曩者鄙人嘗錄其方。撮其要。託諸盈尺之
紙。盈千之字。分贈有心世界之人。而其後紛紛印送。爲數不下
百十萬張。是其爲用之廣。收功之速。奏效之神。可不必煩言以
求解。茲特深釋疑一卷。附以芝園先生序論。合而梓之。若是


者何也。蓋如此而後無美不臻云。

光緒二十九年癸卯歲。

孟秋之月。

上澣。

朗心氏序於羊城之西怡怡書塾。



南海勞守慎



南京中医药大学图书馆版权所有

惡核良方釋疑

南海

勞守慎

明心撰

男應根
應光
姪應坤
全校

目錄
○直看

良方

服藥法

加減法

善後法

敷核藥方

辨症

治法

論買藥

煎藥法

居處衣服飲食



思患預防

醫案

羅芝園辨誤弁言

羅芝園第五刻鼠疫彙編原序

羅芝園再續鼠疫方原序

羅芝園釋疑說

吳宣崇鼠疫原起論

補吳川縣吳宣崇鼠疫原起論及禁忌

羅芝園鼠疫原起論

羅芝園先生辨明鼠疫症論

紫雪丹原方錄覽



此症係由

熱毒鍊血

成瘀所致

雖有輕重

遲速之分

必須用藥

追化血管

之瘀乃為

對症要將

此書從頭

惡核良方

標蛇同治。此方名曰解毒活血湯。出王勳臣。醫林改錯書內。原方枳殼。鼠疫彙編改厚朴。

因朴色赤取其入血份云云。

桃仁

八錢去皮研

紅花

五錢後下

連喬

叁錢

赤芍

叁錢

生地

五錢

柴胡

貳錢

葛根

貳錢

當歸

錢半

厚朴

壹錢後下

甘草

錢

原方共十味。清水煎服。再加蘇木壹兩。熟石羔粉壹兩。更好。

服藥法列左

按症服藥。俾人易曉。但病勢沉重。其藥味之重。數非改用至四五倍。大劑連進。不能救急。當觀病狀如何。見景生情。可也。切記切記。

核小色白。不發熱。為輕症。立即急治。不可延緩。原方單劑。早八

點鐘服一次。晚六點鐘服一次。共服貳劑。○核雖細而紅。頭微

痛。身微熱。為稍重症。原方單劑。早八點鐘服一次。晚四點鐘服

看去方知利害切勿因其感受輕微而忽不加察也

方內生地初服用小將愈用大的主清熱的主滋陰

一次夜三鼓服一次共服藥叁劑○核大紅腫大熱大渴頭痛身痛爲重症用雙劑合煎早八點鐘服一次晚四點鐘服一次夜三鼓服一次共服藥六劑○核大紅腫舌黑起刺循衣摸床狂言亂語手足擺舞無脈可按身體冰冷手足抽搐不省人事由感毒太盛所致傷人至速爲至重之症用雙劑合煎早八點鐘服一次午十二點鐘服一次晚四點鐘服一次夜二鼓服一次四鼓服一次共服藥拾劑○照法服藥方能見功但服藥後如熱轉增舌由白而黃或水瀉病勢似加甚此時病與藥相敵熱漸出如兵圍大股賊兵蹙賊急賊必出敵急追大劑兵勝賊

方內黨歸初起宜用
歸尾將愈
改用歸身

儒醫羅君

肇宸嘗論

及之其畧

謂癰症屬

陽明實熱

熱鬱血瘀

退矣。常情當此。必不肯進大劑。或改用溫補。是以致敗。然亦有

病根深固。已中要害。如賊先據城。棋輸後著。此則無如何矣。故

一見症。必急急服藥。慎勿自悞。服至身退大熱。結核漸消。則

服回單劑。每日二服。夜一服。必俟結核一的消盡。方可止藥。因

核未消盡。即熱毒未清故也。如斯時止藥。熱毒翻發。悔之晚矣。

加減法列左

舌苔白或黃。或渴或未渴。或嘔逆。均宜加煨石羔一二三兩。或

全加白虎湯。煨石羔壹兩伍錢。竹葉伍錢。知母四錢。

熱甚。或手足冷。或有核。或無核。均加犀角。西藏紅花各二三錢。

痛痺抽搐。重加羚羊伍錢。石羔貳兩。西藏紅花伍錢。

惡核良方釋疑

七

而成核症
多起於陽
明少陽部
位亦為熱
鬱血擁所
結方用柴
葛帥桃紅
直達陽明
從少陽轉
樞而出此

水瀉譫語加大黃一二兩臟結加承氣湯生大黃壹兩後下枳實四錢

朴硝六錢
沖服

昏瞢及見血均加犀角羚羊西藏紅花各四錢竹葉心麥冬各伍錢

小便不通加車前木通各錢半
各錢

癰加大青五錢疔瘡加紫花地丁五錢生白菊花根葉壹兩或

路邊菊貳兩疹麻加淡竹五錢知母四錢

痰瘀滯喉痛加牛蒡五錢瓜蒌仁四錢

孕婦減輕桃仁紅花各用貳錢加黃芩壹兩桑寄生貳兩為底按各

症照前加

